



Inatsisartunut ilaasortaq Suka K. Frederiksen-imut, Siumut

28-08-2015
Sags nr. 876733

Postboks 1601
3900 Nuuk
Tlf. (+299) 34 50 00
Fax (+299) 32 56 00
E-mail: isiin@nanoq.gl
www.nanoq.gl

Suka K. Frederiksen-ip § 37 naapertorlugu apeqqutaannut akissuteqaat

Asasara Suka K. Frederiksen

Aatsitassarsiornermut suliaasaqarfiup iluani siunissami suliffissat pillugit apeqquteqarnernut qujanaq. Matumuuna akissuteqassaagut:

- 1) **Suliffissarsiortut killilersimaarnissaat pillugu Inatsisartut inatsisaat nr. 27, 30 okt. 1992-imeersoq § 2 malillugu atorfiit sorliit suliffissanut maaniittunut siulliusussaaitaanerata qulakkeerneqarnissaa allassimasut” allanngortinniarnearpat / naleqqussarneqarniarpa?**

Akissut:

Atorfinni maannakkut Inatsisartut inatsisaanni nr. 27, 30. oktober 1992-imeersumi nassuiarneqarsimasuni, atorfiit makkua pineqartunut ilaapput:

- 1) Atorfiit suliamik ilinniagaqarsimanngitsunik isumagineqarsinnaasut
- 2) Atorfiit sulisitsisumi ilinniagaqarsimanermut, inuussutissarsiutinut tunngaviumik ilinniagaqarsimanermut imaluunniit Siamasissumik Tunngaviumik Ilinniartitaanermut naapertuuttumik suliamut ilinniagaqarsimasunik isumagineqarsinnaasut
- 3) Atorfiit soorlu inunnik isumaginninnermi perorsaasutut aamma isumaginninnermi siunnersortitut ingerlaqqiffiusumik ilinniagaqarsimasunik isumagineqartariaqartut
- 4) Atorfiit ingerlaqqiffiusumik imarsiornermut ilinniagaqarsimasunik isumagineqartariaqartut

Inatsit kommuninit atuutsinneqarpoq, taakkualu inuussutissarsiortunit qinnuteqaateqartoqarneratigut avataaneersunik tikisitsillutik atorfinitsitsinissamut piffissamut killiligaasumut akuersissummik tunniussisarput.

Suliffeqarnermut inatsisit naleqqussarneqarnerannut atatillugu Inatsisartut peqqussutaata nutarterneqarnissaa pilersaarutigineqarpoq.

- 2) **Siunissami suliffiulerumaartussanut ass. aatsitassarsiortoqalernissaanut, atorfiit pisariaqalerumaartussanut ullumikkut atorfiit piginggisatsinnut, ilinniartitsinerit tulluarsaasoqarpa?**

Taamaatoqarpat, qanoq tamanna qulakkeerneqartarpa?

Taamaattoqanngippat, sooq taamaaliortoqanngila?

Akissut:

PKU tassaavoq "Ilinniagaqarsimanngitsunut Piginnaanngorsaaneq". Suliniut Inatsisartut "ilinniartitaanermut pilersaarutaata" annertuup ilagaa aammalu Inuussutissarsionermut, Suliffeqarnermut Niuernermullu Naalakkersuisoqarfimmit aqunneqarluni.

PKU-mi siunnerfigineqartut pingaarnert tassaapput sulisussat ilinniarsimasuunngitsut, inuit 20.000-it aamma 26.000-it akornanni amerlassuseqartut ilimagineqarluni. Pingaarnertut siunnerfigineqarpoq inuit taakkunani ilaasut sapinngisamik amerlanerpaat piginnaasaminnik qaffasaanissamik neqeroorfigineqassasut.

Aallaaviatigut pikkorissaanerit inunnut 25-inik tamannalu qaangerlugu ukiulinnut siunnerfeqartinneqarput.

PKU-mit aningaasaliissutit			
<i>Inuussutissarsiutinut ilinniarfik:</i>	2012	2013	2014
Oqaatsinik Pikkorissarfik	2.833.482	2.311.000	2.000.000
Aatsitassalerinermut Ilinniarfik	10.402.781	8.803.000	13.768.237

Takussutissiami matuma siulianiittumi takuneqarsinnaavoq, ukiuni pingasuni kingulliunerusuni aatsitassarsionermut suliaasaqarfik politikkikkut pingaarnersiuiernermi salliutinneqartoq, tassani Aatsitassalerinermut Ilinniarfimmi aamma Oqaatsinik Pikkorissarfimmi, aatsitassarsionermi tuluit oqaasiinut pikkorissaanermik ingerlatsiviusartumi, PKU-mit aningaasassat iluanni aningaasaliissutit agguarnerat qaffasissuulluni.

Takussutissiami matuma kingulianiittumi takuneqarsinnaavoq Aatsitassalerinermut Ilinniarfimmi aamma Oqaatsinik Pikkorissarfimmi piffissami 2011-2014-imi pikkorissaanerit qassiusimanersut aammalu pikkorissartut qanoq amerlatigisimanersut.

Piffissami 2011-2014-imi Aatsitassalerinermut Ilinniarfimmi pikkorissaanerit katillugit 30-it pikkorissartunit 382-init peqataaffigineqartut ingerlanneqarsimapput, tassani Oqaatsinik Pikkorissarfimmi pikkorissaanerit katillugit 30-it pikkorissartunit 259-init peqataaffigineqartut ingerlanneqarsimallutik.

Aatsitassalerinermut Ilinniarfik 1/1-2011 - 31/12-2014		
<i>Pikkorissarnerup suussusaa</i>	<i>Pikkorissaanerit amerlassusaa</i>	<i>Peqataasut amerlassusaa</i>
Commoncore	8	152
Qillerummit qaqitassanik qillerineq	3	40
Maskiinanik aquttoq qaffassarneq	8	74
Maskiinanik aquttoq Surface	9	102

Mining		
Mine Dumptruck	1	6
Qeqertarsuatsiaanik pikkorissaaneq	1	8
Katillugit	30	382

Oqaatsinik Pikkorissarfik 1/1-2011 31/12-2014		
<i>Pikkorissarnerup suussusaa</i>	<i>Pikkorissaanerit amerlassusaa</i>	<i>Peqataasut amerlassusaa</i>
Aatsitassarsiornermi tuluit oqaasii, nalinginnaasumik - modul 1	2	20
Aatsitassarsiornermi tuluit oqaasii, nalinginnaasumik - modul 2	11	98
Aatsitassarsiornermi tuluit oqaasii, nalinginnaasumik - modul 3	17	141
Katillugit	30	259

3) **Kommuunit pisortallu pigisaani atorfiit allaffissornermi suliaqarfiusut ikilisaavigineqartuarput. Allaffimmiunngorniat ilinniarlutik sungiusaatigalugu sungiusarfissaat ajornakusoorput. Allaffissornermi suliaqartut amerlavallaalersimanerininik tamanna paasinarsititsimmat apequtigissavara: allaffimmiunngorniat killilersorneqartarnersut allanullu suliffinnut "siunissaqartunut" tulluarsaasoqartarnersoq?**

a. **Taamaattoqarsimassappat, qanoq iliuuseqartoqarpa?**

b. **Taamaattoqangippat, sooq iliuuseqartoqarniנגila?**

Akissut:

Inuussutissarsiutinik ilinniartitsinerit aamma inuussutissarsiutinik ilinniartitsinerup iluani pikkorissaanerit pillugit Inatsisartut inatsisaat nr. 10, 19. maj 2010-meersoq naapertorlugu inuussutissarsiutinut ilinniartitaanermut aamma inuussutissarsiutinut ilinniartitaanermut suliassaqarfimmi pikkorissaanernut aamma pisortat suliassaqarfiini suliffissaqartitsiviusunut assigiinngitsunut periaatsimik ataatsimoortitamik Inatsisartut aaqqissuussipput. Taamaattumik Inuussutissarsiutinut ilinniartit siulersuisuinit inassuteqaateqartoqarnerani ilinniartitaanermi sammivinnik pilersitsinissamut atorunnaarsitsiartuaarnissamullu Naalakkersuisut qulliunerusutut oqartussaasuupput. Suliassaqarfinnut ataasiakkaanut tamaginnut inuussutissarsiutit iluani sulisitsisunut aamma sulisartunut soqutigisaqartunik pingaarnernik inuussutissarsiutinut ilinniartit siulersuisui toqqaapput. Innuttaasut allaffimmiutut ilinniagaqarsimasut "amerlavallaartut" ilinniartitaasimanerarlugit, inuussutissarsiutinut ilinniartit siulersuisuinit, ilanngullugit allaffimmiutut ilinniartitaanernik neqerooruteqartut, oqariartuutigineqanngilaq. Peqatigisaanik erseqqissarneqassaaq allaffimmiutut ilinniartitaanerit pisortani suliffissanut siunnerfeqartinneqanngimmata, kisianni allaffimmiutut

ilinniagaqarsimasut aamma namminersortut suliffeqarfiini atorfinitsinneqartut takuneqartarmat. Taamaattumik inuussutissarsiutinut ilinniartitaanernut maleruagassiisarnermi suliassaqarfiit ataasiakkaat ingerlaavartumik aamma qanimut oqaloqatigineqartarput, ilanngullugu pingaartumik inuussutissarsiutinut ilinniarfinnut siulersuisut.

Suliffimmi sungiusarfissamik nassaarniartarnerup ajornakusoornera suliassaqarfiit aamma inuussutissarsiutinut ilinniarfiit akimorlugit unammilligassaavoq nalinginnaasoq. Taamaattumik tamanna suliassaqarfimmi ilinniagaqarsimasunik nunaqavissunik sulisussarsiortannginnermut takussutissaasoq oqartoqarsinnaanngilaq.

Peqatigisaanik assersuutigalugu takornariartitsisarnermi imaluunniit aatsitassanut suliassaqarfimmi suliaqarnerit annertunerulernissaat piviusunngortinneqassappat, innuttaasut allaffimmiutut ilinniarsimasut aamma ujarorteqartarnerat annertusiartortussaavoq, tassami tamatuma aamma najukkami allaffissornermi suliffissat amerlanerulersittussaassammagit.

Naggataatigut allaffimmiutut ilinniartitaanerit iluanni immikkut ilisimasaqalerniarluni ilinniartitaanernik ingerlaavartumik ineriartortitsinissaq aamma neqerooruteqartarnissaq inuussutissarsiutinut ilinniarfinni taakkualu siulersuisuini sulissutigineqarpoq, taakkunani allaffimmiutut ilinniagaqarsimasut suliassaqarfinnut immikkuullarissunut qaffasissumik piginnaasaqalernissamat annertusiartortumik periarfissinneqassallutik.

4) Avataanniit tikisitsilluni suliartortartut pisariaqartitat, atorfiit malillugit qanoq agguataarnikuuppat (atorfiit suut pineqarpat)?


c. Takussutissaateqartoqarpat, qanoq agguataarnerit isikkoqarpat?

d. Takussutissaateqartoqanngippat, suliaqarnissamik pilersaaruteqartoqarpa?

Akissut:

Avataanniit tikisitsilluni sulisoqartarnek sullissinnermut suliassaqarfimmi, illuliortiternermut sanaartornermullu suliassaqarfimmi, ilaqutariinnik ataatsimuulersitsinermi, takornariartitsisartuni, eqqiaasuni, tunisassiortuni, aliikkusersuinerimik suliassaqarfimmi (nipilersortartut) aamma ilinniagartuuni, agguarsimavoq. Suliassaqarfimmi nutarterinermi kingullermi sulisussanik avataanniit tikisitsinissamat qinnuteqaatit tamarniusut 2014-imi agguarsimanagerat takuneqarsinnaavoq;

Ilusiliaq 1



Titartakkami matuma siulianiittumi takutinneqartut, akunnittarfinnut aamma neriniartarfinnut suliassaqarfinni avataaneersunik sulisussanik tikisitsisarneq annertunerpaajusoq takuneqarsinnaavoq.

Inussiarnersumik inuulluaqqusillunga

Vittus Qujaukitsoq
Vittus Qujaukitsoq

Inussiarnersumik inuulluaqqusillunga
Med venlig hilsen

Vittus Qujaukitsoq